

ЎЗБЕКИСТОН ПРЕЗИДЕНТИ ЯНГИ ТАЙИНЛАНГАН ЭЛЧИЛАРНИ ҚАБУЛ ҚИЛДИ

25 август куни хорижий давлатларнинг мамлакатимизга янги тайинланган элчилари томонидан ишонч ёрлиқларини топшириш маросими бўлиб ўтди.



Ўзбекистон Республикаси Президенти Шавкат Мирзиёев Руминия элчиси Даниел Кристиан Чобану, Польша Республикаси элчиси Радослав Грук, Тожикистон Республикаси элчиси Абдужаббор Раҳмонзода, Швейцария Конфедерацияси элчиси Константин Оболенский ва Германия Федератив Республикаси элчиси Тило Клинердан ишонч ёрлиқларини қабул қилиб олди.

Давлатимиз раҳбари янги тайинланган элчиларни янги Ўзбекистонни барпо этиш йўлидаги кенг

миқёсли демократик янгиланишлар ва ижтимоий-иқтисодий ислохотлар давом этаётган муҳим тарихий даврда мамлакатимизда дипломатик миссиясини бошлагани билан самимий табриқлади.

Амалга оширилаётган очик ва прагматик ташқи сиёсатнинг устувор йўналишлари тўғрисида сўз юритар экан, Президентимиз хорижий ҳамкор мамлакатлар, аввало, қўшни давлатлар билан дўстона муносабатлар ва қўп қиррали ҳамкорликни ривожлантиришга катта эътибор қаратилаётганини алоҳида қайд этди.

Жорий йил август ойининг бошида Туркманистонда Марказий Осиё давлатлари раҳбарларининг навбатдаги Маслаҳат учрашуви муваффақиятли ўтказилгани, ушбу тадбир яқин минтақавий ҳамкорликнинг кун тартиби кенг эканлигини яна бир бор намоиш этгани мамнуният билан қайд этилди.

Ўзбекистон етакчиси Афғонистондаги вазият ривожини билан боғлиқ масалаларга алоҳида эътибор қаратди. Бугун ушбу мамлакатда рўй бераётган

воқеалар бутун халқро ҳамжамиятда ташвиш уйғотаётгани таъкидланди.

Ўзбекистон афғон инқирозини тез фурсатда тартибга солишга қўмаклашиш учун муҳим ташаббусларни илгари сураётгани ва зарур саъй-ҳаракатларни амалга ошираётгани қайд этилди.

Жумладан, жорий йилнинг 15-16 июль кунлари Тошкент шаҳрида ўтказилган “Марказий ва Жанубий Осиё: минтақавий боғлиқлик. Таҳдидлар ва имкониятлар” мавзuidaги юқори даражадаги халқро


конференциянинг мақсади Афғонистонда узоқ муддатли тинчлик ўрнатилиши ва иқтисодий тикланишга қўмаклашадиган йирик инфратузилмавий лойиҳаларни амалга ошириш учун шароитларни шакллантиришдан иборат бўлди.

Ўзбекистон Президенти мамлакатимизнинг янги элчилар вакиллик қилаётган давлатлар билан ўзаро манфаатли ҳамкорлигининг истиқболларига алоҳида тўхталиб ўтди.

(Давоми 4-бетда).

ЎЗБЕКИСТОН ПРЕЗИДЕНТИ ПОКИСТОН ТАШҚИ ИШЛАР ВАЗИРИНИ ҚАБУЛ ҚИЛДИ

Ўзбекистон Республикаси Президенти Шавкат Мирзиёев 25 август куни Покистон Ислон Республикаси ташқи ишлар вазири Маҳмуд Қурайшийни қабул қилди.



Давлатимиз раҳбари Ўзбекистон ва Покистон ўртасидаги қўп қиррали ҳамкорлик муносабатлари жадал суръатлар билан ривожланиб бораётганини мамнуният билан қайд этди. Жорий йилнинг июль ойида Тошкент шаҳрида ўтган олий даражадаги музокаралар стратегик ше-

риклик принципларига асосланган икки томонлама ҳамкорликнинг янги босқичини бошлаб берди.

Ташқи ишлар вазири Маҳмуд Қурайший Покистон Бош вазири Имрон Хоннинг саломи ва энг эзгу тилаklarини етказди ҳамда Ўзбекис-

тон етакчисига минтақада барқарорлик ва раванқли таъминлаш борасидаги фаол саъй-ҳаракатлари учун самимий миннатдорлик билдирди.

Учрашувда олий даражада эришилган келишувларни амалга ошириш масалалари қўриб чиқилди. Афғонистондаги вазият ривожига алоҳида эъти-

бор қаратилди. Минтақавий хавфсизликни таъминлаш жиҳатлари юзасидан яқин идоралараро алоқалар ва алмашинувларни давом эттириш муҳим экани таъкидланди.

Шунингдек, Термиз — Мозори-Шариф — Қобул — Пешовар темир йўлини қуриш лойиҳа-

сини биргаликда янада илгари суришга интилиш қатъий эканлиги тасдиқланди.

ЎзА.

Ўзбекистон Республикаси Президенти
Матбуот хизмати суратлари.

ЎЗБЕКИСТОН ВА ПОЛЬША ПРЕЗИДЕНТЛАРИ ҲАМКОРЛИКНИНГ ДОЛЗАРБ МАСАЛАЛАРИНИ МУҲОКАМА ҚИЛДИЛАР

25 август куни Ўзбекистон Республикаси Президенти Шавкат Мирзиёевнинг Польша Республикаси Президенти Анжей Дуда билан телефон орқали мулоқоти бўлиб ўтди.

Етакчилар икки томонлама кун тартибдаги долзарб масалаларни, шу жумладан, сиёсий мулоқотни ривожлантириш, савдо-иқтисодий ва инвестициявий ҳамкорликни кенгайтириш, маданий-гуманитар алмашинув дастурларини илгари суриш, шунингдек, халқро ташкилотлар доирасидаги самарали шерикликни давом эттириш масалаларини қўриб чиқдилар.

Давлат раҳбарлари Афғонистондаги воқеаларнинг ривожланиши нуктаи назаридан

минтақадаги жорий вазият юзасидан ҳам фикр алмашдилар.

Польша Президенти фуқароларни Афғонистондан мамлакатимиз худуди орқали Польшага эвакуация қилиш бўйича гуманитар операцияларни амалга оширишга қўрсатилаётган ҳар томонлама қўмак учун самимий миннатдорлик билдирди.

Афғон муаммосини тинч йўл билан ҳал қилиш мақсадида яқиндан ҳамкорликни давом эттиришга келишиб олинди.

ЎзА.

Ўзбекистон Республикаси Президентининг ФАРМОНИ

ЎЗБЕКИСТОН РЕСПУБЛИКАСИ МУСТАҚИЛЛИГИНИНГ ЎТТИЗ ЙИЛИГИ МУНОСАБАТИ БИЛАН ДАВЛАТ ХИЗМАТЧИЛАРИ ҲАМДА ИШЛАБ ЧИҚАРИШ ВА ИЖТимоий-ИҚТисодий соҳалар ходимларидан Бир гуруҳини мукофотлаш тўғрисида

Мамлакатимизнинг иқтисодий қудратини мустаҳкамлаш, барча соҳаларда ислохотларни муваффақиятли амалга ошириш борасидаги қўп йиллик самарали меҳнати, юртимиз тарақиёти ва халқимиз фаровонлигини таъминлаш, Янги Ўзбекистонни барпо этиш, унинг халқро майдондаги обрў-эътибори ва нуфузини юксалтиришга қўшган муносиб ҳиссаси, иқтисодиёт тармоқларини замон талаблари асосида модернизация қилиш, илгор инновацион технологияларни жорий этиш, қўлай инвестиция муҳитини яратиш, худудлар инфратузилмасини жадал ривожлантиришдаги улкан хизматлари, жамиятда маънавий барқарорликни сақлаш, ёш авлодни она Ватанга муҳаббат, миллий ва умуминсоний қадриятларга ҳурмат руҳида тарбиялаш ишларидаги ибратли фаолияти ҳамда ижтимоий ҳаётдаги фаол иштироки учун қуйидагилар (файр унвон, орден ва медаллар билан мукофотлансин:

(Давоми 2, 3, 4-бетларда).

Ўзбекистон Республикаси Президентининг ҚАРОРИ

УМУМИЙ ОВҚАТЛАНИШ ВА ТУРИЗМ СОҲАЛАРИНИ Қўллаб-қувватлашнинг қўшимча чора-тадбирлари тўғрисида

Коронавирус пандемияси даврида умумий овқатланиш ва туризм соҳаларида фаолият юритаётган тадбиркорлик субъектларини қўшимча равишда қўллаб-қувватлаш, шунингдек, тадбиркорларнинг муаммо ва тақлифларини бевосита ўрганиш ҳамда тадбиркорликни келгусида ривожлантиришнинг асосий йўналишларини белгилаб олиш бўйича 2021 йил 20 август куни ўтказилган Ўзбекистон Республикаси Президентининг тадбиркорлар билан очик мулоқоти доирасида белгиланган масалалар ижросини таъминлаш мақсадида:

(Давоми 4-бетда).

